



O‘ZBEKISTON RESPUBLIKASI PREZIDENTINING QARORI

2023 yil « 23 » ноябрь

№ПК–371

Аллергик касалликларнинг олдини олиш ва даволаш сифатини ошириш чора-тадбирлари тўғрисида

Мамлакатимизда аллергия касалликларни профилактика қилиш, ташхислаш ва даволашнинг илғор усуллари татбиқ қилиш борасида манзилли чора-тадбирлар амалга оширилмоқда.

Шу билан бирга, иқлим ўзгариши, глобал исиш оқибатида гулчанги мавсумининг узайиши, экологик вазиятнинг ёмонлашиши ва бошқа омиллар таъсирида аллергия касалликларга чалиниш хавфи ортиб бормоқда.

Ўзбекистон Республикаси Президентининг соғлиқни сақлаш соҳаси вакиллари билан “Тиббиётдаги ислохотлар – инсон қадри учун” мавзусидаги очиқ мулоқоти доирасида белгиланган вазифалар ижросини таъминлаш, шунингдек, аҳолига кўрсатилаётган алергологик ва иммунологик тиббий хизматлар сифатини яхшилаш, болалар ва катталар орасида аллергия ва иммунологик касалликларни эрта босқичларда аниқлаш ҳамда замонавий даволаш усуллари амалиётга татбиқ қилиш, ушбу касалликларга чалинган беморлар учун қулай шарт-шароитлар яратиш, уларни зарур дори воситалари билан таъминлаш, жойларда молекуляр алергология ва клиник иммунология йўналишидаги текширувларни йўлга қўйиш, кадрлар салоҳиятини ошириш мақсадида:

1. Соғлиқни сақлаш вазирлигининг аллергия касалликларнинг олдини олиш, аҳолига алергологик ва иммунологик ёрдам кўрсатиш тизимини янада такомиллаштириш тўғрисидаги қуйидаги таклифлари маъқуллансин:

тиббиётнинг бирламчи бўғинидан бошлаб аллергия касалликларнинг эпидемиологик кўрсаткичлари устидан назоратни кучайтириш ва манзилли скрининг текширувларини жорий этиш;

эҳтиёжманд аҳоли қатламларини зарур **дори воситалари билан бепул таъминлаш** тизимини йўлга қўйиш;

болалар ва ўсмирлар, ҳомиладорлар орасида аллергия ва иммунологик касалликларнинг ривожланиш сабабларини эрта аниқлаш ва уларни профилактика қилиш;

жойларда аллергия касалликларни юқори технологик ташхислаш ва даволаш амалиётлари турларини кенгайтириш ҳамда **молекуляр ташхислаш усуллари**ни жорий этиш;

соҳа мутахассисларининг алергология ва клиник иммунология йўналишида **билимларини ошириш ва кўникмаларини ривожлантириш**.

2. Аллергия ва иммунологик касалликларни эрта аниқлаш ҳамда уларнинг олдини олиш мақсадида:

а) 2024 йил 1 январдан бошлаб аллергия ва иммунологик касалликларга чалинган “Ижтимоий ҳимоя ягона реестри”да бўлган беморларни **ингаляцион глюкокортикостероид** дори воситалари билан **бепул таъминлаш** тизими жорий этилсин;

б) Соғлиқни сақлаш вазирлиги 2024 йилдан бошлаб:

аллергия касалликлар (шу жумладан мавсумий аллергия) **кўрсаткичлари юқори ҳудудларда йилига камида бир марта оммавий ва селектив скрининг** текширувларини ўтказиш;

аниқланган аллергия ва иккиламчи иммунитет танқислиги касалликлари мавжуд беморларни алергологлар томонидан тизимли кузатуви ва индивидуал соғломлаштириш ишларини ташкиллаштириш;

ҳудудларда алергология ва клиник иммунология йўналишида **юқори технологик ташхислаш ва даволаш амалиётлари** турларини босқичма-босқич **10 турдан 20 тургача** ошириш;

Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари билан биргаликда эҳтиёжга кўра Республика илмий-ихтисослаштирилган алергология марказининг ҳудудий бўлинмалари лабораторияларини маҳаллий бюджет маблағлари ҳисобидан **аллерген реагентлар** билан тўлиқ таъминлаш чораларини кўрсин.

3. Иқтисодиёт ва молия вазирлиги 2024 йилдан бошлаб Давлат бюджети параметрларини шакллантиришда “Ижтимоий ҳимоя ягона реестрида” бўлган беморларни **ингаляцион глюкокортикостероид** дори воситалари ва уларнинг махсус сарфлов воситалари билан таъминлаш учун зарур бюджет маблағларини назарда тутсин.

4. 2024 йил 1 январдан Республика илмий-ихтисослаштирилган аллергология маркази **140 ўрин фондидан** иборат бўлган **Республика ихтисослаштирилган аллергология ва клиник иммунология илмий-амалий тиббиёт маркази** (кейинги ўринларда – Марказ) этиб қайта ташкил қилинсин.

Белгилаб қўйилсинки, Тошкент шаҳри аҳолиси учун аллергик касалликлар бўйича ихтисослаштирилган ва шошилиш тиббий ёрдам Марказ томонидан кўрсатилади.

5. Қуйидагилар Марказнинг **қўшимча вазифалари ва фаолият йўналишлари** этиб белгилансин:

молекуляр аллергология ва клиник иммунология соҳасида фундаментал ва амалий тадқиқотлар олиб бориш асосида аллергик ҳамда иммунологик касалликларнинг олдини олиш, уларга молекуляр ташхис қўйиш ва даволаш;

аллергик касалликларни эрта аниқлаш, келиб чиқиш сабабларини бартараф қилиш мақсадида **скрининг дастурларини** йўлга қўйиш;

тиббиётнинг бирламчи бўлинида аллергик ва иккиламчи иммунитет танқислиги касалликларининг профилактикаси, уларни барвақт аниқлаш ва бошқариш **миллий дастурларини** амалиётга жорий этиш.

6. Ўзбекистон Республикаси Президентининг 2018 йил 11 майдаги “Аллергик касалликларни профилактика қилиш, уларга ташхис қўйиш ва даволашни тубдан такомиллаштириш чора-тадбирлари тўғрисида”ги ПҚ–3715-сон қарори асосида Халқаро молекуляр аллергология маркази (кейинги ўринларда – Халқаро марказ) ташкил этилганлиги ҳамда аллерген ўсимликлар гулчангининг аэробиологик мониторинг тизими республиканинг **9 та** ҳудудида амалиётга жорий этилганлиги маълумот учун қабул қилинсин.

7. Халқаро марказ ва Марказнинг аллергик касалликларнинг олдини олиш ва даволаш сифатини ошириш мақсадида аллерген ўсимликлар гулчангининг аэробиологик мониторинг тизимини республиканинг барча ҳудудларида амалиётга жорий этиш ҳақидаги таклифи маъқуллансин.

8. 2024 йилдан бошлаб қуйидагиларни назарда тутувчи тизим жорий қилинсин:

аллергик касалликлар келтириб чиқарувчи **аэроаллергенлар таркиби** ва мавсумий тарқалиш кўлами ҳудудлар кесимида ўрганилиб, унинг натижалари Халқаро марказ томонидан Гидрометеорология хизмати агентлигига мунтазам тақдим этиб борилади;

Гидрометеорология хизмати агентлиги аэроаллергенлар таркиби ва мавсумий тарқалиш кўлами тўғрисидаги маълумотлар атроф табиий муҳит ифлосланишига оид маълумотлар билан биргаликда тегишли веб-сайт ва бошқа манбалар орқали эълон қилиб борилишини таъминлайди.

9. 2023–2025 йилларда республика аҳолисига аллергологик ёрдам кўрсатиш тизимини ривожлантириш бўйича “йўл харитаси” 1-иловага мувофиқ тасдиқлансин.

10. Соғлиқни сақлаш вазирлиги:

а) 2024 йил 1 апрелга қадар Рақамли технологиялар вазирлиги (Ш. Шерматов) билан биргаликда **аллергик касалликка чалинган беморларнинг электрон реестрини** яратиб, амалиётга татбиқ этсин;

б) 2024 йил 1 январга қадар Марказ устави, ташкилий тузилмаси ҳамда харажатлар сметасини қайта кўриб чиқсин ва тасдиқласин.

Бунда, Марказда болалар аллергологияси ва клиник иммунологияси, жонлантириш, болалар ва катталар тери аллергик касалликлари, клиник иммунология бўлимлари ҳамда ёрдамчи бўлимлар, консултатив-ташхислаш поликлиникаси, махсус молекуляр аллергологик ва клиник иммунологик лабораториялар ва илмий-ўқув симуляцион бўлинмалар ташкил қилиниши инобатга олинсин;

в) Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари билан биргаликда бир ой муддатда мазкур қарор талабларига мувофиқ тегишли ҳудудларда 2024–2025 йилларда аллергологик ва иммунологик ёрдам кўрсатиш тизимини такомиллаштириш бўйича **ҳудудий дастурларни** ишлаб чиқсин ҳамда Қорақалпоғистон Республикаси Жўқорғи Кенгеси ва халқ депутатлари маҳаллий кенгашларига кўриб чиқиш учун киритсин.

11. Соғлиқни сақлаш вазирлиги 2024 йилдан бошлаб Тиббиётни ривожлантириш давлат мақсадли жамғармаси маблағлари ҳисобидан **ҳар йили камида 10 нафар** аллерголог ва иммунолог мутахассисни нуфузли **хорижий** аллергология ва иммунология марказларида малака оширишга юбориш чораларини кўрсин.

12. Соғлиқни сақлаш вазирлиги Ахборот ва оммавий коммуникациялар агентлиги, Ўзбекистон Миллий телерадиокомпанияси билан биргаликда мазкур қарорнинг мазмун-моҳиятини жамоатчиликка етказиш чораларини кўрсин.

13. Ўзбекистон Республикаси Президентининг 2021 йил 28 июлдаги “Соғлиқни сақлаш соҳасида ихтисослаштирилган тиббий ёрдам кўрсатиш тизимини янада такомиллаштириш чора-тадбирлари тўғрисида”ги ПҚ–5199-сон қарорига 2-иловага мувофиқ қўшимча ва ўзгартириш киритилсин.

14. Ушбу қарорнинг ижросини самарали ташкил қилишга масъул ва шахсий жавобгар этиб соғлиқни сақлаш вазири А. Иноятов, Қорақалпоғистон Республикаси Вазирлар Кенгаши Раиси, вилоятлар ва Тошкент шаҳри ҳокимлари белгилансин.

Қарор ижросини муҳокама қилиб бориш, ижро учун масъул ташкилотлар фаолиятини мувофиқлаштириш ва назорат қилиш Ўзбекистон Республикасининг Бош вазири А.Н. Арипов зиммасига юклансин.

**Ўзбекистон Республикаси
Президенти**



Ш. Мирзиёев

Тошкент шаҳри

2023–2025 йилларда республика аҳолисига аллергологик ёрдам
кўрсатиш тизимини ривожлантириш бўйича
“ЙЎЛ ХАРИТАСИ”

T/p	Чора-тадбирлар номи	Амалга ошириш механизми	Бажариш муддати	Молиялаштириш манбалари	Масъул ижрочилар
I. Аллергология йўналишида ҳуқуқий базани такомиллаштириш ва соҳани рақамлаштириш					
1.	Республика ихтисослаштирилган аллергология ва клиник иммунология илмий-амалий тиббиёт марказида (кейинги ўринларда – Марказ) аллергик касалликлар билан касалланган беморларга шошилинч тиббий ёрдам кўрсатиш тизимини такомиллаштириш.	1. Шошилинч тиббий ёрдам кўрсатиладиган аллергик касалликлар рўйхатини тасдиқлаш. 2. Аллергик касалликларга чалинган беморларга шошилинч тиббий ёрдам кўрсатиш тартибини ишлаб чиқиш ва тасдиқлаш. 3. Аллергик касалликларга чалинган беморларга шошилинч тиббий ёрдам кўрсатиш тартибини амалиётга татбиқ қилиш.	2024 йил 1 январь	–	Соғлиқни сақлаш вазирлиги (Иноятов), Давлат тиббий суғуртаси жамғармаси (Эрматов), Марказ (Разикова)
2.	Аллергик касалликларга ташхис қўйиш ва даволаш клиник стандартлари ва баённомаларини такомиллаштириш.	1. Аллергик касалликларга ташхис қўйиш ва даволаш клиник стандартлари ва баённомаларини Жаҳон соғлиқни сақлаш ташкилотининг тавсиялари асосида қайта кўриб чиқиш. 2. Кечиктириб бўлмайдиган ҳолатларда аллергик касалликлар билан хасталанган беморларга шошилинч тиббий ёрдам кўрсатишнинг клиник баённомаларини, тиббиётнинг бирламчи бўғинида фаолият кўрсатаётган шифокорлар учун соддалаштирилган клиник алгоритмларни ишлаб чиқиш.	2024 йил якунига қадар	–	Соғлиқни сақлаш вазирлиги (Иноятов)

		3. Мазкур клиник стандартлар ва баённомаларни тасдиқлаш. 4. Тасдиқланган клиник стандартлар ва баённомаларни Марказ, унинг ҳудудий бўлинмалари ва бошқа тегишли йўналишдаги тиббиёт муассасаларида фаолият юритувчи шифокорларга етказиш.			
3.	Республика ҳудудлари бўйлаб аллергия касалликларни келтириб чиқарувчи аэроаллергенлар таркиби, уларнинг мавсумий тарқалиш кўлами ва ўзгарувчанлигини ўрганиш.	1. Республиканинг барча ҳудудларига ҳаводаги аэроаллергенларни аниқлаш мосламаларини ўрнатиш. 2. Ҳаводаги аэроаллергенларни аниқлаш мосламаларидан олинган маълумотларни атроф табиий муҳит ифлосланишига оид маълумотлар билан интеграциялашни таъминлаш. 3. Аэроаллергенлар таркиби ва уларнинг мавсумий тарқалиш кўлами тўғрисидаги маълумотларни атроф табиий муҳит ифлосланишига оид маълумотлар билан биргаликда эълон қилиб бориш тартибини жорий қилиш.	2023–2024 йиллар	Халқаро грант маблағлари, ижрочилар маблағлари	Халқаро молекуляр аллергия маркази (Рўзиев), Марказ (Разикова), Гидрометеорология хизмати агентлиги (Хабибуллаев)
4.	Марказ фаолиятини самарали ташкил қилиш.	1. Марказнинг янги бино ва иншоотларида жиҳозлаш ишларини якунлаш. 2. Марказда болалар аллергияси ва клиник иммунологияси, жонлантириш, болалар ва катталар тери аллергия касалликлари, клиник иммунология бўлимлари ҳамда ёрдамчи бўлимлар, консультатив-ташхислаш поликлиникаси, махсус молекуляр аллергия ва клиник иммунологик лабораториялар ва илмий-ўқув симуляцион бўлинмалар ташкил қилинишини инobatга олган ҳолда унинг тузилмаси, штатлар жадвали ва	2024 йил якунига қадар	Мазкур мақсадлар учун Давлат бюджетидан ажратилган маблағлар	Соғлиқни сақлаш вазирлиги (Иноятов), Марказ (Разикова)

		харажатлар сметасини қайта кўриб чиқиш ва тасдиқлаш.			
II. Аҳоли орасида аллергик ва иммунологик касалликларни эрта аниқлаш ва уларнинг олдини олиш, ташхислаш ва даволаш сифатини ошириш					
5.	Аллергик касалликлар (шу жумладан мавсумий аллергия) кўрсаткичлари юқори ҳудудларда йилига камида бир марта оммавий ва селектив скрининг текширувларини ўтказиш.	1. Саноати ривожланган ва касаллик кўрсаткичлари юқори ҳудудларда вилоят аллергологлари ва оилавий шифокорлар билан биргаликда скрининг текширувларини ўтказиш. 2. Оммавий ахборот воситалари орқали аҳоли орасида мавсумий аллергик касалликлар ва иммунологик касалликлар тўғрисида ахборот-тарғибот ишларини олиб бориш (теледастурлар, видеороликлар, тарқатма материаллар ва бошқалар).	2023–2025 йиллар 2023–2025 йилларда медиа-режа асосида (ҳар йили 1 январгача тасдиқланади)	Мазкур мақсадлар учун Давлат бюджетидан ажратилган маблағлар, Марказнинг бюджетдан ташқари маблағлари	Соғлиқни сақлаш вазирлиги (Иноятов), Марказ (Разикова), Ахборот ва оммавий коммуникациялар агентлиги (Ходжаев), Ўзбекистон Миллий ахборот агентлиги (Кўчимов), Ўзбекистон Миллий телерадиокомпанияси (Хаджаев), Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари
6.	Скрининг текширувлари натижасида аниқланган аллергик ва иккиламчи иммунитет танқислиги касалликлари мавжуд беморларни аллергологлар томонидан тизимли кузатуви ва индивидуал соғломлаштириш ишларини ташкиллаштириш.	1. Аллергик ва иккиламчи иммунитет танқислигини аниқлаш мақсадида икки босқичли сўровномалар ишлаб чиқиш. 2. Оилавий шифокорлар томонидан аҳоли орасида сўровномалар ўтказиш. 3. Сўровнома натижаларига кўра аниқланган беморларни соғломлаштириш режа-жадвалини тасдиқлаш ва соғломлаштириш ишларини олиб бориш.	2023–2025 йиллар	Мазкур мақсадлар учун Давлат бюджетидан ажратилган маблағлар, Марказнинг бюджетдан ташқари маблағлари	Соғлиқни сақлаш вазирлиги (Иноятов), Марказ (Разикова), Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари
7.	Аллергик ва иккиламчи иммунитет танқислиги касалликларига чалинган “Ижтимоий ҳимоя ягона	1. Аллергик ва иммунологик касалликлар аниқланган беморларга ингаляцион глюкокортикостероид дори воситаларини бепул тарқатиш	2024 йил 1 январь	Давлат бюджетидан ажратилган маблағлар	Соғлиқни сақлаш вазирлиги (Иноятов), Иқтисодиёт ва молия вазирлиги

	реестри”да бўлган беморларга ингаляцион глюкокортикостероид дори воситаларини бепул тарқатиш.	механизмини ишлаб чиқиш ва тасдиқлаш. 2. Аллергик ва иммунологик касалликлар аниқланган беморларни ингаляцион глюкокортикостероид дори воситалари билан бепул таъминлаш.	2024 йилдан бошлаб	Ҳисоб-китоблар асосида	(Фазилкаримов)
8.	Марказ ва унинг ҳудудий бўлинмалари лабораториялари ҳамда шифокор-аллерголог кабинетларида диагностика сифатини ошириш.	1. Соғлиқни сақлаш вазирлиги томонидан аллергия реактентлар ва даволовчи-ташхисловчи аллергиялар рўйхатини тасдиқлаш. 2. Реагентлар ва даволовчи-ташхисловчи аллергияларни харид қилиш. 3. Марказнинг ва унинг ҳудудий бўлинмалари лабораторияларини аллергия реактентлар ҳамда шифокор-аллерголог кабинетларини даволовчи-ташхисловчи аллергиялар билан таъминлаш.	2024 йил 1 январь 2023–2025 йиллар	Маҳаллий бюджет маблағлари, Соғлиқни сақлаш вазирлигига Давлат бюджетидан ажратилган маблағлар	Соғлиқни сақлаш вазирлиги (Иноятов) Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари, Соғлиқни сақлаш вазирлиги (Иноятов)
9.	Ҳудудларда аллергия ва клиник иммунология йўналишларида касалликларнинг олдини олиш, диагностика қилиш ва даволаш сифатини ошириш.	1. Марказнинг етакчи ходимларидан иборат ишчи гуруҳларни шакллантириш. 2. Ишчи гуруҳларни Марказнинг ҳудудий бўлинмалари ҳамда чекка ва олис ҳудудларга хизмат сафарига юбориш. Ташрифлар доирасида беморларни кўриқдан ўтказиш. 3. Марказнинг ҳудудий бўлинмалари моддий-техника базасини ўрганиб, уни яхшилаш бўйича таклифлар тайёрлаш. 4. Марказнинг ҳудудий бўлинмаларида аллергия ва клиник иммунология йўналишида юқори технологик ташхислаш амалиётлари турини босқичма-босқич ошириш.	2023–2025 йиллар (режа-жадвал асосида)	Марказнинг бюджетдан ташқари маблағлари	Соғлиқни сақлаш вазирлиги (Иноятов), Марказ (Разикова)

10.	Тошкент шаҳри аҳолиси учун аллергик касалликлар бўйича ихтисослаштирилган ва шошилиш тиббий ёрдам кўрсатишни такомиллаштириш.	1. Марказ томонидан Тошкент шаҳри аҳолиси учун аллергик касалликлар бўйича ихтисослаштирилган ва шошилиш тиббий ёрдам кўрсатишни йўлга қўйиш. 2. Тошкент шаҳри аҳолисига аллергик касалликлар бўйича тиббий ёрдам кўрсатиш мақсадида Марказда 20 та ўринга мўлжалланган бўлим ташкил этиш ва уларни Давлат тиббий суғуртаси жамғармаси орқали Тошкент шаҳри бюджети маблағлари ҳисобидан молиялаштириш.	2024 йилдан бошлаб	Мазкур мақсадлар учун Давлат бюджетидан ажратилган маблағлар	Соғлиқни сақлаш вазирлиги (Иноятов), Давлат тиббий суғуртаси жамғармаси (Эрматов)
III. Аллергология хизмати кадрларининг касбий ва илмий салоҳиятини ошириш ва соҳада илм-фанни ривожлантириш					
11.	Аллерголог ва иммунолог мутахассисларни нуфузли хорижий аллергология ва иммунология марказларига малака оширишга юбориш.	Марказ ҳамда ҳудудий тиббиёт муассасаларидан камида 10 нафар аллерголог ва иммунолог мутахассисларни танлаб олиш ҳамда уларнинг нуфузли хорижий аллергология ва иммунология марказларида малака оширишларини ташкил этиш.	2024–2025 йиллар	Тиббиётни ривожлантириш давлат мақсадли жамғармаси маблағлари	Соғлиқни сақлаш вазирлиги (Иноятов), Марказ (Разикова)
12.	Аллергология ва клиник иммунология йўналишида илмий тадқиқотлар кўламини ошириш, уларнинг натижаларини амалиётга кенг жорий этиш.	1. Аллергик ва иммунологик касалликларни аниқлаш, ташхислаш ва замонавий даволаш борасидаги долзарб муаммоларни тадқиқ қилиш бўйича фундаментал, амалий ва инновацион тадқиқотлар, дастурлар ва лойиҳаларни амалга ошириш. Саноати ривожланган ҳудудларда нафас аъзолари ва терига таъсир этувчи аллергологик омилларни ўрганиш бўйича илмий асосланган тадқиқотларни ўтказиш ва уларни бартараф этиш бўйича тавсиялар ишлаб чиқиш.	2024–2025 йиллар	Давлат бюджетидан илмий фаолиятга оид давлат дастурларини амалга ошириш учун ажратиладиган маблағлар, қонунчилик ҳужжатларида тақиқланмаган бошқа манбалар	Соғлиқни сақлаш вазирлиги (Иноятов), Олий таълим, фан ва инновациялар вазирлиги (Каримов), Марказ (Разикова), Халқаро молекуляр аллергология маркази (Рўзиев)

		2. Илмий тадқиқотлар натижаларини амалиётга кенг жорий этиш. 3. 2024–2025 йилларга мўлжалланган илмий-тадқиқот ишлари дастурини тасдиқлаш.			
13.	Аллергология йўналишида тиббиёт ходимларининг малакасини ошириш ва қайта тайёрлаш сифатини ошириш.	Аллергология йўналишида тиббиёт ходимларининг малакасини ошириш ва қайта тайёрлаш бўйича қўшма ўқув дастурлари ва адабиётларни ишлаб чиқиш ва амалиётга жорий этиш. Аллергик касалликларни эрта аниқлаш бўйича кенг доирадаги мутахассисларнинг малакасини ошириш бўйича махсус курсларни жорий этиш.	2023–2025 йиллар Режа-жадвал асосида	Ижрочилар маблағлари	Соғлиқни сақлаш вазирлиги (Иноятов), Марказ (Разикова), Халқаро молекуляр аллергия маркази (Рўзиев)
14.	Марказ қошида устоз-шогирд аъёнлари бўйича аллергология мактабини яратиш.	1. Марказ қошида аллергия мактабини ташкил қилиш ва унинг самарали фаолиятини йўлга қўйиш. 2. Бутунжаҳон аллергия ташкилоти тавсияларига кўра барча йўналишлар шифокорлари учун қисқа муддатли ўқув курсларини ташкил этиш.	2023–2025 йиллар Режа-жадвал асосида	Марказнинг бюджетдан ташқари маблағлари	Соғлиқни сақлаш вазирлиги (Иноятов), Марказ (Разикова)
15.	Педиатр мутахассисларни болалар аллергия мутахассиси сифатида қайта тайёрлаш ва малакасини ошириш ишларини амалга ошириш.	Республика ҳудудларида болалар аллергия мутахассисларига бўлган эҳтиёжни ўрганиш, ҳудудий педиатр мутахассислар билан уч томонлама шартнома тузиш ва уларни шакллантирилган рўйхат асосида болалар аллергия мутахассислари сифатида тайёрлаш, болалар аллергиялари вақант ўринларини мутахассислар билан тўлдириш.	2023–2025 йиллар	Маҳаллий бюджет маблағлари	Соғлиқни сақлаш вазирлиги (Иноятов), Марказ (Разикова), Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари
16.	Молекуляр аллергия ва клиник иммунология йўналишларида халқаро алоқаларни ривожлантириш.	1. Нуфузли хорижий илмий, тиббиёт ташкилотлари билан ҳамкорлик меморандумларини имзолаш. 2. Доимий асосда ўзаро тажриба	2023–2025 йиллар	Тиббиётни ривожлантириш давлат мақсадли жамғармаси	Соғлиқни сақлаш вазирлиги (Иноятов), Ташқи ишлар вазирлиги (Саидов)

		алмашишни йўлга қўйиш. Бунда, юқори технологик ташхислаш усуллари, молекуляр аллергология ва клиник иммунология соҳасида ҳамкорлик ўрнатиш, хорижий марказлардан мутахассисларни таклиф қилиш ва маҳорат дарслари, вебинарлар ўтказиш, телемедицина амалиётини йўлга қўйиш.		маблағлари	
17.	Аҳоли орасида аллергологик ва иккиламчи иммунитет танқислиги касалликларини эрта аниқлаш, даволаш ва уларнинг профилактикасини кучайтириш учун хорижий грантлар, техник ва бошқа ташқи беғараз кўмак маблағларини жалб этиш.	1. Аҳоли орасида аллергик ва иммунологик касалликларни эрта аниқлаш, даволаш ва уларнинг профилактикасини кучайтириш бўйича грант лойиҳаларини ишлаб чиқиш. 2. Грант лойиҳаларини Инвестициялар, саноат ва савдо вазирлигига тақдим этиш. 3. Хорижий грантлар, техник ва бошқа ташқи беғараз кўмак маблағларини жалб этиш чораларини кўриш.	2023–2025 йиллар	–	Соғлиқни сақлаш вазирлиги (Иноятов), Инвестициялар, саноат ва савдо вазирлиги (Қудратов)
18.	Аллергик ва иккиламчи иммунитет танқислиги касалликларига чалинган беморларни реабилитация қилиш тизимини такомиллаштириш.	1. Географик иқлим шароитидан келиб чиқиб, аллергик ва иккиламчи иммунитет танқислиги касалликлари билан хасталанган беморларни реабилитация қилиш дастурини ишлаб чиқиш. 2. Марказ ва унинг ҳудудий бўлинмалари, туман (шаҳар) кўп тармоқли марказий поликлиникаларида аллерголог мутахассислар томонидан дастурда белгиланган машғулотларни ўтказишни йўлга қўйиш ҳамда зарур материалларни тайёрлаш ва аҳолига етказиш. 3. Машғулотларни ўтказувчи мутахассисларнинг касбий салоҳиятини ошириш. 4. Марказда аллергик ва иккиламчи иммунитет танқислиги касалликлари	2024 йил 1 март 2023–2025 йиллар 2024 йил якунига қадар	– Халқаро грант маблағлари	Соғлиқни сақлаш вазирлиги (Иноятов), Марказ (Разикова), Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари

		билан хасталанган беморларни реабилитация қилиш учун физиотерапевтик бўлим ташкил этиш.			
--	--	---	--	--	--

Ўзбекистон Республикаси Президентининг
2023 йил 23 ноябрдаги ПҚ–371-сон қарорига
2-илова

**Ўзбекистон Республикаси Президентининг 2021 йил 28 июлдаги
“Соғлиқни сақлаш соҳасида ихтисослаштирилган тиббий ёрдам
кўрсатиш тизимини янада такомиллаштириш чора-тадбирлари
тўғрисида”ги ПҚ–5199-сон қарорига киритилаётган
қўшимча ва ўзгартириш**

1. 1-банд “а” кичик бандининг иккинчи хатбоҳиси “имтиёзли тоифага кирувчи шахсларни” сўзларидан кейин “(Ўзбекистон Республикасининг фуқаролари, Ўзбекистон Республикасининг солиқ резиденти деб эътироф этилган чет давлатларнинг фуқаролари, шунингдек фуқаролиги бўлмаган шахсларни)” сўзлари билан тўлдирилсин.

2. 2-илованинг изоҳ қисми қуйидаги таҳрирда баён этилсин:

“Изоҳ:

амалдаги ордер бериш тартибига асосан расмийлаштирилган ордерлардан 2023 йилнинг 1 январига қадар фойдаланиш мумкин;

Андижон давлат тиббиёт институти клиникаси қурилиш-таъмирлаш ва жиҳозлаш ишлари якунлангунга қадар Давлат тиббий суғуртаси жамғармаси орқали бажарилган иш ҳажмига боғланмаган ҳолда вақтинчалик бир сатрда молиялаштирилади”.

